



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-168-4/25**

Datum: **20.08.2025. god**

«Agencija za vodno područje rijeke Save» Sarajevo rješavajući po zahtjevu pravnog lica «JAMI» d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta proizvodnog pogona za pripremu gotove hrane – Podružnica Tešanj izgrađenog u naselju Kraševo, općina Tešanj na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Pravnom licu, «JAMI» d.o.o. Sarajevo daje se vodna dozvola za ispuštanje tehnoloških otpadnih voda u prirodni recipijent sa lokaliteta proizvodnog pogona za pripremu gotove hrane – Podružnica Tešanj lociranog u naselju Kraševo, na zemljištu označenom kao k.č. broj: 191/4, 193 i 194 K.O. Kraševo, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog pogona i uz sljedeće uslove:
  - 2.1. Da se izgrađeni proizvodni pogon – Podružnica Tešanj lociran u naselju Kraševo, općina Tešanj održava u funkcionalnom stanju i koristi u skladu sa namjenom i uslovima iz ove vodne dozvole.
  - 2.2. Da se, za vrijeme trajanja ove dozvole, obezbjeđuje da se tehnološke otpadne vode nastale u proizvodnom postupku pripreme gotove hrane, pranjem posuda i pribora, pranjem podova u objektu nesmetano prikupljaju sistemom slivnih rešetki i kanalizacione mreže, odvođe na tretman u instalirane mastolove a potom u trokomornu septičku jamu sa krajnjim ispuštom prečišćenih voda u rijeku Usoru.
  - 2.3. Da se, za vrijeme trajanja ove dozvole, obezbjeđuje da se oborinske vode sa uređenog platoa i manipulativnog prostora prikupljaju zasebnim kanalizacionim sistemom sa slivnim rešetkama te odvođe na tretman u separator ulja i masti a zatim prečišćene vode preko okna za monitoring zajedno sa prečišćenim vodama iz septičke jame ispuštaju u rijeku Usoru.
  - 2.4. Prečišćene otpadne vode nastale u postupku pripreme gotove hrane, prije ispuštanja u recipijent - rijeka Usora, moraju ostati u maksimalno dopuštenim granicama definisanim u Prilogu 30. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 2.5. Da se objekti koji se koriste u svrhu prikupljanja, odvodnje i tretmana tehnoloških i ostalih otpadnih voda nastalih na lokalitetu proizvodnog pogona (kanalizaciona mreža sa kompletnog radnog i manipulativnog prostora, slivničke rešetke, mastolovi, septička jama, separator ulja i masti...) redovno održavaju i koriste na način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
  - 2.6. Čišćenje i održavanje postrojenja za tretman otpadnih voda (mastolovi, separatora ulja i masti i trokomorna septička jama) može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja i taloga iz postrojenja.
  - 2.7. U skladu sa propisima iz oblasti zaštite okoliša, vršiti bezbjedno i redovno skupljanje čvrstog opasnog i neopasnog otpada sa kompletnog kruga pogona, isti propisno skladištiti do njegovog konačnog zbrinjavanja od strane ovlaštene organizacije.
  - 2.8. Prakticirati suho čišćenje podova i opreme prije pranja vodom kako bi se uklonile organske nečistoće sa radnih površina, trošilo manje vode za pranje i smanjilo zagađenje.
  - 2.9. Otpad nastao u proizvodnom postupku pripreme gotove hrane, sadržaj (mulj) iz postrojenja za tretman otpadnih voda kao i ostali opasni i neopasni otpad, se ne smiju ni privremeno odlagati na česticu «vodno dobro», odnosno u vodotoke i na njegove obale.

- 2.10. Vlasnik odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.11. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko broja EBS-a (ispitivanje urađeno od strane ovlaštene laboratorije) obavezan je, za utvrđeni broj EBS-a prema rezultatima ispitivanja, plaćati posebnu vodnu naknadu za zaštitu voda.
  4. U periodu važenja ove dozvole, Korisnik je dužan provoditi sve mjere i aktivnosti propisane istom.
  5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
  6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogona obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
  7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
  8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  9. U ovoj upravnoj stvari plaćene su sve upravne pristojbe.
  10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
  11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
  12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## **O b r a z l o ž e n j e**

Od strane pravnog lica, «JAMI» d.o.o. Sarajevo dana 22.04.2025. godine podnesen je ovoj Agenciji zahtjev za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta proizvodnog pogona za pripremu gotove hrane – Podružnica Tešanj lociranog u naselju Kraševo, na zemljištu označenom kao k.č. broj: 191/4, 193 i 194 K.O. Kraševo, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o upisu u sudski registar broj: UF/I-596/05 izdatog dana 05.04.2005. godine od strane Kantonalnog suda u Sarajevu,
- Kopija Uvjerenja o poreznoj registraciji izdatog dana 10.05.2005. godine od strane Porezne uprave – Kantonalni ured Sarajevo,
- Kopija Rješenja o urbanističkoj saglasnosti za dogradnju postojećeg proizvodnog objekta i ugradnja tanka za skladištenje TNP-a broj: 12-23-6416/07 izdatog dana 24.12.2007. godine od strane Ministarstva za prostorno uređenje, promet i komunikacije Zeničko-dobojskog kantona,

- Kopija Rješenja o odobrenju za građenje-dogradnja postojećeg proizvodnog objekta i ugradnja tanka za skladištenje TNP-a broj: 12-23-2126/08 izdatog dana 28.12.2009. godine od strane Ministarstva za prostorno uređenje, promet i komunikacije Zeničko-dobojskog kantona,
- Kopija Rješenja o upotrebi građevine broj: 12-23-62 za dograđeni proizvodni objekat i ugradnju tanka za skladištenje TNP-a izdatog dana 29.12.2010. godine od strane Ministarstva za prostorno uređenje, promet i komunikacije Zeničko-dobojskog kantona,
- Kopija Ugovora o čišćenju septičke jame i separatora broj: 799/25 zaključenog dana 19.08.2025. godine između «JAMI» d.o.o. Sarajevo i KP «PROGRES» a.d. Doboje,
- Kopije računa za crpljenje i odvoz otpadnih voda specijalnom cisternom broj: 3895/2025 od 31.03.2025. godine; broj: 5210/2025 od 30.04.2025. godine; broj: 7623/2025 od 30.06.2025. godine; broj: 8936/2025 od 31.07.2025. godine izdatih od strane i KP «PROGRES» a.d. Doboje,
- Kopija radnog naloga o čišćenju separatora ulja i masti od 02.07.2025. godine izdatog od strane KP «PROGRES» a.d. Doboje,
- Tehnički elaborat o ispuštanju otpadnih voda iz objekta za pripremu gotove hrane na lokalitetu Kraševo, općina Tešanj urađen od strane JP za vodoprivredne djelatnosti «SPREČA» d.d. Tuzla, mart 2014. godine,
- Projekat izvedenog stanja tretmana otpadnih voda za «JAMI» d.o.o. Sarajevo, Podružnica Kraševo urađen od strane «TQM» d.o.o. Lukavac (registarski broj: 7-201/17; broj protokola: 2023/17, juli 2017. godine),
- Izvještaj o utvrđivanju tereta zagađenja otpadnih voda izraženog preko EBS-a za «JAMI» d.o.o. Sarajevo Podružnica Tešanj urađen od strane «TQM» d.o.o. Lukavac (broj protokola: 7-454-4570/24, juli 2024. godine),
- Elaborat o efikasnosti tretmana otpadnih voda broj: 7-527/18 urađen od strane «TQM» d.o.o. Lukavac, januar 2019. godine,
- Bezbjedonosno-tehnički list za eMB Starter, eMB balans/septico, eMB Aktiv/otopina-preparati za tretman otpadnih voda snabdjevača EM Plus d.o.o. Doboje,
- Kopija Rješenja o vodnoj dozvoli broj: UP-I/25-3-40-038-4/19 izdatog dana 25.02.2019. godine od strane «Agencije za vodno područje rijeke Save» Sarajevo,
- Kopije Izvještaja o monitoringu kvaliteta i kvantiteta otpadnih voda broj: 7-156-1777/25, mart 2025. godine i broj:7-256-2801/25, april 2025. godine urađeni od strane «TQM» d.o.o. Lukavac,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona u naselju Kraševo, općina Tešanj i tom prilikom je sačinjen Zapisnik o uviđaju broj: UP-1/21-3-40-168-3/25 od 30.07.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni proizvodni pogon za pripremu gotove hrane (svježa juška, pite, pice, lisnata tijesta) izgrađen je u naselju Kraševo, općina Tešanj uz magistralnu saobraćajnicu M-4 (Doboje-Teslić). Prosječna godišnja proizvodnja svježe juške je oko 1.000 tona; 4.000 tona pite; lisnata tijesta i pice oko 1.000 tona. Uposlenih je oko 150 radnika. Snabdijevanje vodom za sanitarne i tehnološke potrebe je obezbijeđeno priključkom na gradski vodovodni sistem.

Za predmetni proizvodni pogon je u ranijem postupku, dana 25.02.2019. godine, od strane ove Agencije izdato Rješenje o vodnoj dozvoli broj: UP-I/25-3-40-038-4/19 sa određenim uslovima.

Tehnološke otpadne vode nastale u procesu pripreme sirovina, u procesu hlađenja, pranjem tunela za zamrzavanje, pranjem posuda i pribora, radnih površina i podova se sistemom slivnika i kanalizacione mreže te odvode na predtretman u dva mastolova a potom se zajedno sa sanitarnim vodama iz toaleta za uposlene i otpadnim vodama iz restorana susjednog objekta «VF-KOMERC» d.o.o. Sarajevo (tretiranim na trećem mastolovu) i sanitarnim vodama za uposlene i goste ovog objekta, odvode na zajednički tretman u trokomornu septičku jamu zapremine 27 m<sup>3</sup>. Preliv iz septičke jame je u rijeku Usoru.

Oborinske vode sa uređenog platoa, parking i manipulativnih površina se zasebnim kanalizacionim sistemom prikupljaju (sistemom slivnih rešetki i kanalizacione mreže) te odvode na tretman u separator ulja i masti. Prečišćene vode se zajedno sa prelivnim vodama iz septičke jame, preko okna za monitoring ispuštaju u rijeku Usoru kao krajnji recipijent. Čišćenje uređaja za tretman otpadnih voda (mastolov, septička jama, separator ulja i masti) se vrši u skladu sa Ugovorima zaključenim sa KP

«PROGRES» a.d. Dobož. Monitoring otpadnih voda se vrši redovno - uz zahtjev dostavljeni Izvještaj o monitoringu kvaliteta i kvantiteta otpadnih voda (mjerno mjesto: okno za monitoring prije ispusta u rijeku Usoru) urađeni u martu i aprilu 2025. godine (nakon tretmana mikrobiološkim preparatima) od strane «TQM» d.o.o. Lukavac. Ispitivani parametri u potpunosti zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Uz zahtjev je dostavljen Elaborat o efikasnosti tretmana otpadnih voda urađen od strane «TQM» d.o.o. Lukavac, januar 2019. godine te Izvještaj o utvrđivanju tereta zagađenja otpadnih voda izraženih preko EBS-a za juli 2024. godine (EBS<sub>ukupni</sub>=700,1 ES).

Monitoring otpadnih voda se radi redovno. Uz zahtjev dostavljeni Izvještaji o ispitivanju kvaliteta otpadnih voda za mart i april 2025. godine urađen od strane «TQM» d.o.o. Lukavac. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Konstatuje se da je podnosilac zahtjeva, «JAMI» d.o.o. Sarajevo ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta proizvodnog pogona za pripremu gotove hrane – Podružnica Tešanj lociranog u naselju Kraševo, općina Tešanj, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-168-2/25 od 25.07.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Nermine Hodžić, dipl.inž.građ.

Po ovlaštenju  
Rukovodilac Sektora za izdavanje vodnih akata

  
Nihad Pezo, dipl.inž.građ.

Dostaviti:

- «JAMI» d.o.o. Sarajevo  
ul Kurta Schorka br 7, 71000 Sarajevo
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava